

www.BibleForChildren.org

Metyu 8



Nis ngürr kakóm, Keina basirrdü kol amióg tóre
yarilürr, Galili Prrobinsdü. Yesun aip ola warilürr.
Yesun tóba umulbain olmalpükü ta ngisaunóp ene kol
amióg tóredó tótókóm.



Waena nóma blakónórr, Yesun aipa oyabóka wagó,
"Ibü waena kuri blakóne." Yesun aipa ene tóredó
zaget pam nilóp wagó, "Kubó e tónggapónamke, wa
yabü ne kla tólbaelóm nilórre!"



Yesu ene zaget pam nilóp wagó, "Ini bele nae-e blaman ugó bórrngómam." I nórrngómóp kókó ibdü. Da wa akó ibü nilóp wagó, "Errkyadan nae sokol ugó itam darrü beledógab. Kubó idüdamke tóre ne pama alngomólda." Da i ene nae we idüdóp oyaka.




Ene naea ugón waenóm bümzazilürr. Tóre alngomól
pama ene waen nóma apókórr, wa darrü umul babul
yarylürr ene waen nubógabi
sidüdrre. Ene nae ne
zaget pama itóp, wata
umul idi kwarilürr. Da
tóre alngomól pama, kol
nótó zumige,
oya ngyaunürr.



Oyabóka wagó, "Bobarr tóredó waen nidi alióndako, i ngaen-gógópan morroal waen alióndako. Pamkolpama barrkyananbóka nóma enórre, ene kakóm, i akó popa waen alióndako. A ma wa morroalan waen irrmatnórró ngarkwat kókó ta errkya!"





Yesu tóba ini ngaen-gógópan [wirri tulmil] we
tólaelórr Godón arüŋ pupainüm,
Keina basirrdü, Galili
Prrobinsdü. Wa tóba [wirri
kómal zyón] we okaka
imzazilürr. Oya umulbain
olmala amkoman we
yangunóp.



Yesu Pitan müótüdü nóma bangrinürr,
da Pitan mónang we osenórr. Wa güb
azid warilürr, nyórrdü utürrün.




Yesu oya tang we wamurrürr, oya ene azida
wata we zumgatórr. Wa we bupadórr, da oya
alo kla we ngóyónürr.



Ene simaman, abüsa nóma mórralórr, pamkolpama
Yesuka blaman azid kolpam akó kolae samupükü
kolpam ugón
tübarrmülürr.
Blaman ene basirr
pamkolpama we kwób
tóbazelórr kókó ene
müót mamtaedó.



Yesu ia-ia abün azid kolpam we dólóng nyónónóp, akó
abün kolae samu amalórr. Wa kolae samu koke ok
ninóp bóktanóm, zitülkus i umul koralórr, wa nótó
yarylürr.



Akó blaman pamkolpamab ubi wata oya amurru
yarilürr, zitülkus dólóngbain arünga oyakagab tótók
yarilürr, da wa ibü blaman dólóng we ninóp.



Da módóga, ngibürr kolpama ugón tübabzilürr. Tokom
pama ibükagab, darrü büb bidal pam sidódnóp ama
oyaka.



I ene pam minggüpanan koke
idüdóp, zitülkus pamkolpamab
ngoro ola yarilürr. Da
módóga, i mórrkakakdó
bamselórr
ene pampükü.




I mórrkakak we tae apónóp,
Yesu ne pokodó zamngól
yarylürr. I nóma tae apónóp,
ene pam rraparrapapükü
we түp solkomólóp, Yesun
obzek kwata.




Yesu ibü amkoman bangun
nóma esenórr, wa бүb bidal
pamdó bóktanórr wagó,
"Kürü olom, ka marü
kolae tonarr kuri
norrگونónóma!"
Da wa ene бүb bidal
pamdó bóktanórr
wagó, "Ka marü
ayaldóla, ugó bupa,
moba nyórr ipa,
da ugó wam, moba
müót basirrdü!"



Yesu tóba umulbain olmalpükü butüdü we kasilürr,
da i we ogoblórr. Kúp amkón babul,
wirri arüng wóra we tubsorr
Galili Maludü. Goblola but
karipoko isurrunópma.
Yesu wa ugón
ut yarilürr.



Yesu ibüka bóktan we yalkomólórr wagó, "E gum iadeakla? Yabü amkoman bangun wata karia kürüka!"
Yesu bupadórr, da wór akó goblol we nagóp wagó, "Piküp bainam!" Da malua we amkónórr. Ene butüdü pama gübarirr aengóp.
Da i we bóktónóp wagó, "Ini wa ia oloma? Wór akó malua ta oya bóktan arrkrrudamli!"



Godón moboküpdü wirri ubi yarilürr ini
tüpan pamkolpamdó, igósüm wa kürü ibü
kókyanórr, tóbanan darrpanan olom,
kürü amkoman nidi kangurre,
kokean bamrükrre, a i ma sab
ngarkwat-koke arról
ipüdórre.



Rrom 3:23 blaman pamkolpama kolae tonarr tómbapórrre
akó blaman igósidi gaodó kokeako Godón
[wirri kómal zyón] amrranóm.

Rrom 6:23 Zitülkus módóga, kolae tonarran darrem
ngarkwat-koke бүдүлa, a Godón [gyaur] kla módóga,
ngarkwat-koke arról Kerriso Yesu mibü Lodkama.

Ibrru 9:27 God ngaen ingrinürr wa, blaman pamkolpama
wata sab darrpan mün nurrbarile, akó ene kakóm,
God sab ibü zaz nirre.

Epesus 2:8,9 Zitülkus módóga, ene Godón gail
tonarrdógabi e zid bairrünakla, yabiób amkoman
bangundügabi. Ene igó kokea igó, e darrü kla
tónggapónarre Godón yabü zid bainüm, a yabü zidbain
Godón [gyaur klame]. God yabü koke zid ninóp yabiób
tórrmendógabi, igósüm darrü oloma koke
ki ikub bagür yarile.



Rrom 10:9,10 Ene bóktan inzana wagó, ma ne nóma bóktano moba taepurri wagó, "Yesu wa [Lode]," akó moboküpdü amkoman angun namulo igó, God oya irsümülürr бүдүлдүgab, marü sab zid mine.

Zitülkus módóga, tóba moboküpi nadü oloma Yesun amkoman yangune, da God oya igósidi dümdüm tonarr olomóm ine. Akó tóba taepurri nadü oloma bóktóne igó, Yesu wa Lode, da God oya igósidi zid ine.

Zon 3:16,17 Godón moboküpdü wirri ubi yarilürr ini tüpan pamkolpamdó, igósüm wa kürü ibü kókyanórr, tóbanan darrpanan olom, kürü amkoman nidi kangurre, kokean bamrükrre, a i ma sab ngarkwat-koke arról ipüdórre.

God tóba olom ini tüpdü igósüm koke zirrsapónórr pamkolpam zaz bainüm akó [kolaeen darrem] aliónüm, a wa ibü zid bainüm zirrsapónórr.



1 Zon 5:11-13 Akó ini wa ene bóktana: God mibü
[ngarkwat-koke arról] tülinóp, akó ini arról oya
Olomdóma. Olom asi noakama, oya ngarkwat-koke arról
asine; Godón Olom babul noakama, oya ngarkwat-koke
arról babula. Ka ini elklaza yabüka wialómdóla, Godón
Oloman ngi amkoman nidi angundako, igósüm e umul
kwarilo igó, yabü ngarkwat-koke arról asine.



Metyu 8-9; Mak 1-2, 4; Luk 4, 8; Zon 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Gizzra Bible (tof) © 2019, Wycliffe Bible Translators,
Inc. All rights reserved.

<https://www.bible.com/bible/3574/MAT.1>

©2026 Bible for Children, Inc.

www.M1914.org

www.bibleforchildren.org

